



15.05.2023

UPA2023/163

Paneeraq Olsen, Naleraq

Ikiaroorartunik sakkortuunik eqqusseriartunut, tuniniaasunullu pineqaatissiisarnerup sakkortunerulernissaa pillugu Naalakkersuisut 2023 naatinnagu Naalagaaffimmut saaffiginnissuteqarnissaannik Inatsisartut aalajangiiffigisassaattut siunnersuut.
(Inatsisartuni Aqqalu C. Jerimiassen, Atassut)

Siullermeerneqarnera:

Naleqqaminngaaniit siunnersuuteqartumut Inatsisartunut ilaasortamut Aqqalu C. Jerimiassen, Atassummeersup siunnersuutaanut qujavugut.

Siunnersuuteqartoq Naleqqaminngaaniit isumaqatigaarput ikiaroorartunik sakkortuunik eqqusueriartunut, tuniniaasunullu pineqaatissiisarnerup sakkortunerulernissaa siunnersuutigimmagu.

Politiit ukiumoortumik nalunaarutaanni 2022-imeersumi takuneqarsinnaavoq iisartakkat ecstasy, amfetamin aammalu kokain-ip eqqunneqartalereersut. Ikiaroorartut sakkortuut inuup timaanut anertuunik sequmiisartut annertusinnginnissaat tamatta tamaviaarullugu nungusartariaqarpagut. Pingaartumik Kalaallit Nunaannut isaaviit marlunngorpata, ikiaroorartunik sakkortuunik eqqussuinnissaaq killilersimaarnissanut sakkut ilagimmassuk eqqusseriartut sakkortuumik pineqaatissinneqarnerat.

Naalakkersuisut siunnersuuteqartup siunnersuutaanut uiggiullugu ilannguppaat ”.... *aamma unioq-qutitsinernut taakkununga inuit tunuliaqutaasut pillugit,..*”. naalakkersuisut allannguutissatut siunnersuutaat Naleqqaminngaaniit ilalerlugu akuersaarparput, tassami ikiaroorartumik eqqussuisut tunuliaqutaat taakkummata aningaasalersuillutillu eqqussuinissamut piareersartuusartut.

Ullumikkut ersittorsuarmik ikiaroorartumik tuniniaaneq isiginngitsuusaarneqaannarsinnaangilaq, naak inatsisitigut inerteqqutaasoq angerlarsimaffinnut kikkut utikaajaarnersut unnuagaluarpalluunniit takuneqartuarput. Isiginngitsuusaaraanni ikiaroorartunut sakkortuunut atuisinnaangornissamut qanittuaraavoq. Taamaattumik Ikiaroorartuq sakkortuumut eqqusseriartut taakkunungalutunuliaqutaasut sakkortunerusumik pineqaatissinneqartarnissaat Naleqqaminngaaniit isumaqatigarput.

Taamatut naatsumik oqaaseqarlunga Naleqqamiit Naalakkersuisut allannguutissatut siunnersuutaat taperserparput.